


雲南通志

沿革大事攷

末

內閣文庫	
番號	漢 14228
冊數	40 (4)
函號	國 137 3

四



順帝至正二年大理諸路請官賑恤災傷從之

二十三年三月明玉珍遣將李芝麻帥兵由八番

入陷雲南梁王帖木不花遣大理宣慰使段功

敗之於關灘追至回燈關大破之梁王以女阿

蓋主妻功奏授行省平章未幾梁王忌殺功阿

蓋主怨憤不食死其從官楊淵海亦自經

二十七年梁王七攻大理不克奏授段寶為雲南

正左丞

明



太祖洪武四年段寶遣段貞歸欵

五年梁王把匝刺瓦爾密據雲南不下正月遣翰林院待制王禕往諭禕至動以危言梁王欲降適元太子立於漠北遣官脫脫來索餉知禕在滇梁王不能隱出禕見之禕不少屈遂遇害時六年十二月也

七年八月遣元威順王子伯伯諭梁王不從

八年九月復遣湖廣行省叅政吳雲諭雲南先是梁王使其臣鐵知院等二十餘人如漠北爲徐

達所獲上釋之令偕雲往諭至沙塘口知院等脇雲易制書不從梁王亦遣人劫降雲終不屈十爲其所殺

十四年九月命穎川侯傅友德爲征南將軍永昌侯藍玉西平侯沐英爲副列侯曹震王弼金朝興都督郭英張銓等皆從征雲南授以方畧師至湖廣友德悉遵上諭分遣郭英胡海洋陳桓由永寧向烏撒十一月友德由辰沅趨貴州十二月攻克會定會安直抵曲靖敗元兵於白石

江獲其平章達里麻友德自率師以應烏撒分遣沐英藍玉急趨雲南次板橋梁王走滇池島中右丞觀音保以城降梁王闔家及左丞驢兒達德俱赴水死中慶路平沐英以兵趨烏撒會友德破右丞實卜逐城烏撒得七星關以通畢十節至可渡河東川烏蒙芒部諸蠻皆降

十五年正月詔置雲南布政司都司及各府州縣烏撒烏蒙等處皆留兵守禦是月友德分兵徇臨安澂江等處皆下之降其平章濶濶乃馬等

閏二月沐英藍玉等進攻大理段世據龍首龍尾並關英自將攻之不叛命王弼率兵由洱水東趨上關英取下關遣胡海洋遶點蒼山後攀木緣崖而登樹列旗幟段軍驚潰英策馬渡河斬關而入遂克大理獲段世及段寶二孫又分兵取鶴慶麗江畧定金齒等處北攻建昌元平章六月魯帖木兒降全省皆平

三月更定雲南所屬州縣

四月烏蒙烏撒東川建昌芒部等復叛上勅傅友

四德會沐英討之七月英自大理還合兵勦平以
三烏撒烏蒙芒部三府隸四川

六月元右丞曾顏篤復叛據大理佛光寨金齒土
酋高大惠弁也先虎都構麓川入寇明年討平

之而元右丞曾顏篤復叛據大理佛光寨金齒土
九月傳友德等分兵攻未服諸蠻土酋楊苴乘虛

煽眾以叛糾黨至二十萬攻雲南城都督謝熊
都指揮馮成固守沐英自烏撒移兵討平之

十六年二月傳友德送元雲南右丞觀音保叅政
六車里不花段世及段寶二孫至京師上赦之賜

觀音保姓名李觀授金齒指揮使寶二孫賜名
歸仁歸義授武昌鴈門兩衛鎮撫

三月麓川緬甸車里八百媳婦皆內附命傳友德
二藍玉等班師沐英畱鎮

十七年移中土大姓以實雲南

八月平緬宣慰使思倫法遣使獻方物法彝言王也舊作發

十八年十二月思倫反率眾寇景東馮誠擊之失

雲南通志 卷之三十三 沿革大事考 完

利千戶王昇死之

十九年二月雲南臻洞西浦擺金擺榜諸蠻叛命

傳友德耿炳文討平之

九月沐英奏請屯田從之

二十一年正月思倫入寇結寨於摩沙勒沐英遣

都指揮甯正擊破之三月復悉眾寇定邊號三

十萬沐英兼程而進使馮誠挑之賊以象戰英

督軍力攻獲四十七象賊遁

六月東川蠻叛復命傳友德為征南將軍沐英陳

拒為副討平之

九月越州土酋阿資叛傳友德沐英連敗之明年

三阿資降

二十二年僉都御史黃政從征雲南還次會安遇

大寇及其子琬皆死之

二十三年置景東蒙化二衛

十一月思倫請降

二十四年十二月沐英以阿資叛服不常請徙越

州衛於陸涼鎮之阿資復叛都督何福討降置

寧越堡

二十八年正月阿資復叛西平侯沐春率何福擒斬之誅同惡二百餘人

三十年正月置雲南按察司

九月平緬蠻刁幹孟叛逐宣慰使思倫倫奔愬京

師詔沐春為將軍何福徐凱為左右副往討之

三十一年二月刁幹孟請入貢

五月沐春進兵擊平緬先以兵送思倫於金齒使

人諭刁幹孟不從乃遣何福等直擣南甸破景

罕寨復擊崆峒寨幹孟乞降上以其反復不許

何福擒斬之思倫始得還平緬悉定與木洪州

成祖永樂元年正月建文帝至雲南永嘉寺諭

車里酋刁暹荅入寇劫威遠州知州西平侯沐晟

請討之上命先行撫諭暹荅悔懼歸州官貢方

宜物謝罪釋之八百大甸

三年征八百大甸黎

遣官諭西南彝大小古刺等部落皆內屬置宜慰

六司長官司五

六年命沐晟征安南降其郡四十有八進晟黔國

公世襲

九年始置雲南監察御史詔雲南布政司開科

宣宗宣德七年八百大甸宣慰使刁之雅入貢請

討波勒降勅諭之

英宗正統二年他郎甸蠻爲梗都督沐昂討平之

十月麓川會思任反任思倫次子也明初思倫叛

沐英招之內附奏爲宣慰司宣德時與木邦仇

殺因失官以孟養刁氏代至思任因刁賓玉勢

弱遂據麓川侵孟定灣甸等處命沐晟遣官招

之不奉詔不

三年十二月思任掠騰衝南甸取孟養地刁賓玉

奔永昌死思任遂屠騰衝據潞江事聞遣刑部

主事楊寧往諭不服

四年正月詔沐晟率沐昂方政往討思任兵至潞

江任請降晟信之楊寧曰兵未加而降詐也懼

有後悔晟不聽深入伏發方政力戰死晟回至

楚雄飲藥卒五月以沐昂爲征南將軍右都督

吳亮副之馬翔張榮為左右叅將進討捷於潞
 江
 五年始置巡撫雲南都御史
 二月沐昂軍抵隴把張榮違昂節制大敗而遁詔
 切責昂逮吳亮馬翔

七月思任屯孟羅據者章硬寨沐昂進敗之
 六年思任遣使謝罪太監王振議討大學士楊士
 奇謂遠蠻不足較宜為耕守計振執不可侍讀
 劉球亦諫不聽命定西伯蔣貴為征蠻將軍兵

部尚書王驥提督軍務太監曹吉祥監軍侍郎
 徐晞督餉楊寧等贊畫率兵十五萬往征十一
 月軍進金齒分三道抵上江斬首數萬大破於
 沙木籠山又破其象陣於馬鞍山思任走緬子
 思機匿孟養驥移討之時維摩州土蠻韋郎羅
 作亂逃入安南驥檄之斬首以獻
 七年三月班師論功封蔣貴定西侯王驥靖遠伯
 餘陞賞有差既而思任復亂冬十月命驥等再

八征

八年二月王驥至金齒分兵進擣麓川檄緬獻思
 任父子使還言緬願獻欲得重臣往取郭登請
 行入緬卜刺浪來會頗驕蹇登折之乃聽命登
 回其相緬刺劄以舟載思任來獻會有嫉登功
 者議畱守沙壩刺劄至不見登遂不敢獻驥聽
 裨將陳儀言密令貴擊之刺劄竟持思任去貴
 子雄追之兵敗自刎東路兵克孟養諸寨思機
 亦逃驥還仍以捷聞
 九年叅贊楊寧巡撫雲南遣使許緬以孟養地易

思任卜刺浪喜乃函首來獻時刁賓玉已死因
 以卜刺浪長子銀起莽為孟養宣撫思任二子
 思機思尚潛居孟養
 十年十月築騰衝城
 十一年改麓川為隴川設宣慰司於隴把以舊彝
 目恭項為宣撫勅赦思機等罪令其來朝不至
 十二年十月思機思尚據孟養叛
 十三年復以王驥督軍務征麓川大破之踰孟養
 至孟那而還思機思尚竟失所在彝眾復立思

任幼子思洪爲主來言願奉思氏永當差發許
十之班師河西縣學教諭詹英劾驥老師費財濫
十行爵賞

憲宗成化十二年八月巡撫王恕奏置臨元瀾滄
十金騰曲靖四道以飭戎

十三年王恕劾奏雲南鎮守太監錢能驥貨求媾
進黃鸚鵡等事乞禁各處一切玩好

十四年罷尋甸廣西土官知府立流官
十五年御史許進劾錢能誅求繁擾交人不靖乞

逮治不從

十九年命御史程宗撫慰木邦立孟密安撫司

孝宗弘治二年城趙州

七年置賓川州城大羅衛

十八年勅刑部侍郎樊瑩旅雲南山川考察文武

官罷黜一千二百餘員爲征麓川濫受者

武宗正德二年雲南屬彝阿本叛巡撫吳文度討

七年十八寨彝人出降巡撫洪遠安撫之

十五年巡撫何孟春疏復永昌府治從之

世宗嘉靖元年改金齒指揮使司為永昌軍民府

仍置永昌衛改騰衝指揮使司為騰越州仍置

騰衝衛

二年添設大理府督捕通判住白崖

七年武定尋甸土酋反初仁德府土官安洋安迺

屢亂降為馬頭改尋甸設流官至是知府馬性

魯因徵糧裸撻安銓妻子仍繫於獄銓遂結武

定蠻鳳朝文叛陷尋甸武定殺官十三人連兵

三二萬焚掠會城命兵部尚書伍文定討之未至

援師已集斬朝文與銓文定還

九年十一月大學士張璉請革雲南鎮守內臣從

之

十七年勅雲南鎮巡會討安南

二十三年添設姚安府督捕通判駐赤石崖

始分雲貴鄉試定雲南解額四十八

二十四年城鶴慶

三十年元江土酋那鑑叛巡撫石簡督兵討之鑑

詐降布政徐樾往諭被害黔國公沐朝弼率兵以攻鑑敗自殺

四十四年武定土酋鳳繼祖叛巡撫呂光洵進剿

兵備僉事張澤戰敗被執光洵合師急攻賊勢

窮挾澤求撫不許澤死之官兵追至七州地界

繼祖為其下所殺餘黨悉降

穆宗隆慶元年設武定流官改治立禦建學築城

二年築嵩明州城

三年添設鄧川州流官知州

五年築澂江廣西二府城

神宗萬曆元年大姚鐵索箐臨安緡獍等蠻屢叛

巡撫鄒應龍平之

三年築晉寧州城

五年廣南儂僮會叛巡撫王凝會黔國公沐昌祚撫

定之

緬酋莽瑞體結隴川諸蠻作亂先是莽紀歲嘉靖

時為孟養所殺其子瑞體奔洞吾母家因有其

地吞併隣境招隴川多士寧叛士寧不從其養

子岳鳳弒士寧以應之士寧妻罕氏懷印攜二子多忠多季奔永昌當事不能救令歸鳳盡殺之遂據隴川瑞體遣子應裏喇鮪分戍隴于自攻迤西土官思箇告急副使羅汝芳調漢土兵合擊之緬兵敗岳鳳導之遁去

七年莽瑞體復侵迤西思箇被殺

十年十月岳鳳破干崖時莽瑞體死于應裏嗣鳳執遮放頭目刀落思送應裏遂入姚關

十一年正月賊焚掠施甸攻順寧破猛淋寨殺指

揮千戶六人干崖蓋達雷弄等處皆陷巡撫劉世曾巡按董裕會疏請兵以叅將劉綎鄧子龍提兵出剿應裡會孟養孟密蠻莫隴川車里八百等衆犯姚關子龍大破之於攀枝花劉綎出隴川抵阿瓦諸頭目皆降初綎以岳鳳有心計令招諸彝許不死故猛哈思化等俱殺緬使降諸彝踵至當事不知逼綎擒鳳及其子曩烏獻俘京師諸酋復叛

十五年羅雄酋者繼榮叛劉世會沐昌祚斬之改

羅雄為羅平州後繼榮黨董仲文復叛官兵剿平之

莽應裏復陷密堵送速二城迤西土官思威思化

思順以兵復之按察使李材遊擊劉天俸助兵

斬千餘級劉世曾以捷聞陞材右僉都御史巡

撫鄖陽巡按御史蘓鄴疏論迤西功多僇屍抵

級下李材劉天俸獄削劉世曾籍

十六年四月永昌姚營兵鼓躁索餉劫同知為質

抄掠抵省巡撫蕭彥伏兵楊林要擊之殲其魁

餘黨平

十九年莽應裡破猛拱猛廣又圍蠻莫鄧子龍率

兵剿退又攻迤西思化等奔等練山鄧子龍擊

敗之

丁苴白改彝會應春等叛撫鎮吳定沐昌祚討平

之請設新平縣

改新化州隸臨安府

二十一年十二月莽應裏分道入犯思順奔猛卯

巡撫陳用賓至永昌遣將王一麟盧承爵等合

剿多所斬獲募閩人黃襲使暹羅王得楞令其襲緬又計斬土酋多掩緬失所恃乃退歸
築八關二堡於三宣要害戍緬並議屯田

二十四年猛卯酋多亨勾緬搆亂陳用賓檄木邦罕欽滅之築平麓城議屯田

二十五年二月順寧土酋猛廷瑞與大候土酋奉赦搆殺陳用賓檄叅政李先著同副使邵以仁勘之先著以廷瑞無反情力主撫議以仁襲執廷瑞請設順寧流官改大候為雲州用賓奏先

著受廷瑞賂逮繫死於獄

三十六年諸蠻俱絕緬入貢緬人復侵思轟各土司擊之潰歸

九月順大餘葉歪轟猛思賢等叛陳用賓討平之奏以順寧府改隸金騰道

二十八年命雲南撫鎮協討播酋楊應龍陳用賓駐曲靖黔國公沐獻駐霑益遣叅將謝崇爵等

大至烏江與賊戰勝之賊兵陡至敗回橋折全軍皆沒總督李化龍以賜劔斬崇爵

三十年六月築順寧右甸城

九月建雲龍州城

三十二年緬攻猛密徵兵思轟叅將王廷光止轟

二勿發轟從之縛獻其使緬怒攻轟轟死都司王

萬年救之不及酋長思華據其地

三十三年陳用賓遣副將陳寅擒緬目多罕復蠻

莫界

三十四年正月指揮賀世勲韓光大等殺鎮守太

監楊榮初榮在滇貪殘不法世勲等因衆怒殺

三之焚其府熾黨百餘人事聞上震怒不食太后

力解僅罪其首世勲下獄死光大戍邊

三十五年十一月武定彝阿克率鄭舉反先是知

府陳典貪墨無厭屢囚舉索賂舉不能堪乃糾

彝阿克等破府城殺指揮金守仁千戶王應爵並

男婦四百五十餘人千戶梅應時黃桂金策高

力戰而死

十二月阿克鄭舉擁推官白明通以兵隨其後直

抵會城竟無一卒迎戰明通至城下請以冠帶


印信給賊不許明日賊大肆劫掠沿村焚殺一空時武定守先在會城賊索其印甚急許之乃去又明日復來撫鎮皆不得已以印縋城子賊熟視上馬即日拔營而歸

尋甸彝目大理保楊禮召補彝婦海冲等叛破嵩明州賊進逼楊林都司汪如淵率祿崇功李鳳三兵以救賊退巡按周懋相檄副使羅希益合兵進剿大敗保等於尋甸

三十六年正月左布政使彭應時叅政楊俊臣副

四使陳禔都司范繼斌遊擊段辰率兵分剿阿克鄭舉等是月賊破祿豐知縣蘓夢暘率民兵力戰死之

六月諸路合兵剿賊阿克等奔東川官兵壓其境土司祿蓋縛克舉以獻陣擒楊禮海冲獲畚府四州所印俘阿克等九名於京致仕黔國公沐昌祚疏論失事狀語侵其子獻詔逮獻及陳用賓都司張名世武定知府陳典推官白明通祿勸三知州黃榜元謀知縣毛文彩俱下獄論死



三十八年隴川宣撫多安民叛以緬巡撫周嘉謨檄兵備黃文炳追斬之隴川平立其弟安靖

四十年十月建馬龍州及祿豐縣磚城

四十一年水西霑益蠻以讎構兵二月安堯臣率

兵入霑益逼安紹慶殺傷甚衆周嘉謨具題行

六兩省會問

四十二年巡按御史毛堪疏辯李先著寃誣請昭

雪不報

四十三年建水土酋刀春琪勾交兵入犯土舍沙

源堵截勝之斬其偽侯伯三人

十二月建鎮南州及蒙自縣磚城

四十八年雲龍州土酋段進忠殺姪段嘉龍謀襲

其職巡撫沈儆燦檄兵備熊鳴岐擒斬之奏改


流官

戶部以遼餉不支兵部馬價工部器械不足復增

本省地畝銀共一萬六千一百六十四兩

熹宗天啓元年九月四川永寧土酋奢崇明奢寅

貴州土舍安邦彥相繼反十月沈儆燦調兵赴



援十二月師次安莊衛官軍陷沒都司李天常
嘉等死之

二年正月遣都司楊明廷統兵三千援蜀師次畢

節會烏撒土酋安効良助逆伏兵阻截明廷兵

潰與中軍程坤死之

二月霑益土婦設科惡日補鮮李賢武定彝目張

世臣等糾東川土寇祿千鍾祿阿伽叛陷亦佐

十平彝霑益諸城沈徹焮以便宜起用原任叅將

袁善李思忠分剿以守備金為貴土舍沙源為

前鋒大破賊衆設科復攻嵩明陸涼張世臣復

攻武定善等又敗之設科等焚劫陸涼知州郭

俊義戰敗死

四月遣叅將尹啓易守備李加培周嘉映自交水

督兵進霑益安効良統水西烏撒兵拒戰加培

嘉映敗績死之

三年正月補鮓安應龍攻破阿那等寨復攻羅平

五師宗巡撫閔洪學分遣袁善施翰李思忠沙源

及元謀土舍吾必奎等漸次恢復四月師還除

羅平苛政七十二款
 五月建交水城移平彝右所官軍守之是月水西
 曾安賊兵攻平彝守將袁善擊敗之遁去
 改安寧提舉司為琅井提舉司駐琅井安寧鹽課
 附州徵解
 十一月兵備叅議王英叅將尹啓易以計擒設科
 李賢請旨正法
 四年七月檄武舉官李瑗率兵襲張世臣於他頗
 斬之獲其妻子武尋平


八月新化新平賊首魯魁魯克等伏深箐劫掠地
 方閔洪學檄分守副使胡其慥遊擊劉崇禮搜
 捕俘斬餘黨悉降立十二哨于其地戍之
 五年三月安効良復叛先是吾必奎恢復爻方松
 林等站蜀道復通安効良縛安應龍以獻又獻
 烏撒衛所各印勞其使而歸之行至曲靖被殺
 効良忿甚遂糾水蘭二酋入犯袁善督沙源力
 戰勝之吾必奎堅守爻方以老賊衆善乘勝間
 正出與必奎內外夾擊大敗之賊遁

五月安劾良復糾水西入寇閔洪學檄布政使謝存仁及袁善等大敗之於馬龍州土賊竜戈資導賊潛遁善等募東川蠻縛斬戈資安邦彥等就撫

崇禎三年黔國公沐天波巡撫王伉巡按甘學淵屯兵曲靖剿安劾良設科餘黨雞世昌平之冬阿迷州土酋魯名聲友初名聲隨御史傅宗龍援黔宗龍蓄之於家時巡按余瑛與黔國公沐啓元構隙陰借名聲為衛名聲遂生覬覦適啓

元暴卒名聲乃歸巡撫王伉惡之後寧州祿土官與名聲互訐人傳伉欲剿名聲名聲懼乃詐為祿土官家人訴名聲於伉以覘虛實伉果有即討之言名聲遂反

四年王伉統滇黔蜀土司吾必奎等屯兵臨安以討名聲不克遣名聲故交莊承差往諭名聲畱之伴使人告急且密語左右曰官兵四至皆不足慮但從某箐入甚為可憂莊得名聲語歸告伉伉不知為計遂遣叅議周世昌將官朱永吉



往攻某箐伏發全師皆陷世昌永吉力戰死名聲犯臨安叅將溫如珍却之事聞逮王伉及巡按趙洪範

五年曾名聲死初名聲叛其兵頭何天衢不從反
四 正自効屢挫名聲兵名聲懼制其後不敢大肆
移兵攻天衢名聲中砲死其妻萬氏擁衆據阿
迷州復攻天衢天衢無援食盡舉家自焚死萬
氏益猖獗
六年巡按姜思睿議撫萬氏所遣輒被殺廣西知


府張繼孟單騎入賊營諭以利害萬氏遂降

本朝 太祖章皇帝順治元年甲申

元年雖無事以定鼎改元之始用春王正月之

義大書之

二年乙酉秋九月吾必奎反初黔府家人阮呈麟
用事頗稱練達善待諸彝故數年安靜及天波
十用劣生于錫朋等殺呈麟盡逐阮氏又遣叅將
李大贊屯會川以防流寇大贊數侵擾諸彝必
奎不能堪遂反天波調各寨土官祿永命沙定



洲等同大贄進剿定洲不至大贄等進兵必奎
自殺元謀平

十二月朔土酋沙定洲反定洲沙源次子也會各
聲死萬氏納其兄定海外乃厭而殺之復納定
洲勢益强悍及吾必奎反天波調定洲赴剿逗
畱不至必奎平定洲始入檄止之不聽遂進屯
省城厚賂于錫朋爲與援陰結掌印都司徐廷
珍叅將張國用都司僉書阮韻嘉袁士弘等爲
內應是日託言辭歸竟襲天波刼巡撫吳兆元

時變起倉卒天波出登西城樓誅西奔調兵討
賊武舉陳大經力阻之天波疑其黨賊手刃而
去時祿永命在省與賊力戰不克士民爭擁太
夫人陳氏至朝陽庵夫人焦氏至金井庵避賊
頃之聞天波赴安寧士民欲奉兩夫人往焦氏
曰我婦人義不可辱何如先死使公一意殺賊
則死愈於生乃遣三子從天波後遂自焚時一
女尙幼焦氏抱同死陳氏聞焦氏死大喜亦自
焚天波奔楚雄

三年丙戌沐天波疾馳楚雄守禦未備沙定洲追及時洱海道副使楊畏知有才略適在楚雄率推官王克昌及紳士悉力防守定洲圍數月日攻數次不能近乃遣其黨王朔李日芳陷蒙化大理天波檄麗江土官木懿以兵援之不克而還定洲又遣賊圍武定推官陶光印固守攻四十餘日乃去

四年丁亥沙定洲忿楚雄不下更率賊衆來攻畏知多方調度屢挫賊鋒城中士民皆激於義男子晝夜拒守婦人饋餉運石賊終不能近乃鑿濠三重困八十餘日糧盡援絕幾不守天波畏知以死自誓士民亦無離志閣城擬自焚無何賊聞流寇將入滇撤精銳五千往援曲靖圍稍解天波畏知追之不及

四月流寇孫可望李定國劉文秀艾能奇等入滇沙定洲遁走初張獻忠死餘黨可望等入貴州聞定洲據滇詐稱援黔國兵屠平彝交水曲靖知府宋文旦知縣陳六奇死之執巡按羅國巘

聲言欲搗定洲巢分兵出蛇花口定洲懼於十
 九日殺故詹事府正詹王錫袞於貢院焚南城
 樓遁走臨安滇民憤擒逆黨阮韻嘉等送天波
 磔之可望知定洲走即由宜良趨省追各官印
 偽設四城督捕鑄大順錢

孫可望據雲南欲收民望強明宗室却院朱壽鏹
 官不屈殺之臨死作絕命詞神色不變時羅國
 燾聞壽鏹死亦自焚

五月劉文秀屠武定李定國攻沙定洲黨湯嘉賓

等於臨安屠其城回至晉寧鄉民拒之復屠晉
 寧及昆陽

八月孫可望兵逼迤西副使楊畏知拒戰於祿豐
 之獅子口兵敗被執不屈可望偽以恢復之言
 慰留之乃與可望盟時天波走永昌可望至大
 理招天波且索永昌道府印通判劉廷標推官
 王運開自縊死執運開弟舉人運闕欲強以官
 運闕不屈亦自沉於潞江劉文秀執天波歸天
 正波仍佩舊印

五年戊子五月艾能奇死

八月李定國攻破俾革竜禽沙定洲萬氏湯嘉賓等械赴雲南十月磔之於市誅其黨數百人

六年己丑二月孫可望以無名爵難以號召滇黔聞明部院何騰蛟瞿式耜等擁桂王子由根偽稱永曆年號於粵西遂遣偽戶部龔彝詣求封爵以辟議不決彝潛歸

六月姚安舉人席上珍起義兵討可望被執不屈可望磔之闔家自溺死

七年庚寅七月永曆將陳邦傳與孫可望潛通因其請封私壇空勅差胡執恭封可望為秦王令其設行臺六部永曆不知也

八年辛卯二月孫可望差偽總兵常榮詣永曆直稱秦王始大駭嚴起恒等共議改為翼王屢遣人往諭悉陰殺之自稱國王李定國等素與可望不和至是愈怨憤

三月孫可望遣偽將軍賀九儀至粵西託言入衛殺嚴起恒張載遂劉堯珍吳霖以其抗論改封

冀王也永曆懼仍封可望為秦王
五月孫可望遣楊畏知詣永曆留為內閣畏知上
疏自劾又語忤賀九儀九儀譖於可望執畏知
回黔畏知大罵可望求速死遂遇害

九年壬辰二月我師取廣西永曆奔廣南可望安
置於安籠所相待無人臣禮偽知府范應旭署
其簿曰皇帝一員后妃幾口月支糧若干

九月永曆御史李如月以可望擅殺勳爵疏劾之
可望怒遣人殺如月於安籠如月東莞人臨死

罵不絕口甚慘烈

十一年甲午永曆從臣吳貞毓張鐫周允吉楊鍾
徐極蔣乾昌李元開李頌朱議彙鄭允元趙廢
禹蔡縝易士佳胡士瑞朱東旦升斗墟及內官
十張福祿全為國等十八人見可望所謀不測欲
潛通定國以圖可望時定國在粵西不能旦夕
相援可望知之遣人拷鞠貞毓等同聲不屈可
望悉磔之臨死俱有詩及絕命詞
十三年丙申正月李定國由廣西徇孫可望知之

遣其將白文選欲先拔永曆入黔文選至安籠
謁永曆見其丰儀股栗汗下不敢逼之速行適
定國至遂同送永曆入滇尋使文選招諭可望
可望不從欲殺文選旣而釋之尋而可望曰
十四年丁酉孫可望自貴州舉兵入滇以白文選
爲總統九月李定國劉文秀逆於曲靖之三岔
口文選夜率其本部降定國可望大驚欲回兵
諸賊將力爭乃止可望遂密遣馬寶武大定張
勝由尋甸間道襲省城潛通其心腹王尙禮爲

內應自領重兵與定國相持可望將馬進忠以
其事密報定國定國與文選疾擊之可望大敗
走時馬寶武大定亦密受永曆劄給張勝不由
間道反出楊林至則舉火省城及曲靖皆知悉
嚴兵以待勝至省城絕內應又聞可望敗歸遂
焚掠而逃至赤水鵬遇定國回張勝戰敗被擒
磔之於帝馬寶等同入滇文秀率兵追可望
十月孫可望敗回貴州馮雙禮詐稱追兵已至可
望倉皇出走至長沙乞降於經畧閣部洪承疇

詔封義王明年劉文秀死

十五年戊戌

世祖章皇帝命安遠靖寇大將軍信郡王鐸尼由貴
 州征南將軍固山趙布太由廣西平西王吳三
 桂定西侯墨勒根下都統李國翰由四川三路
 取滇李定國白文選等連營於安籠所七星關
 鷄公背扼險據守我師自水西潛度七星關繞
 其後定國等潰敗同永曆走迤西其工部尚書
 王應龍父子從永曆不及自縊於永昌

十二月我師三路會於曲靖迤東各郡皆歸附
 十六年己亥正月朔大師抵雲南二月兵進迤西
 追殺王國勳於普朔又敗白文選於玉龍關獲
 其象馬傘印永曆至騰越州李定國復集兵於
 磨盤石樹柵扼險死拒我師趙布太吳三桂力
 戰破之李定國走孟良永曆入緬甸白文選走
 猛緬遂克騰越州

三月偽將狄三品艾承業張明志丁友才等投誠
 擒偽慶陽王馮雙禮來獻奉

旨優叙三品等

赦雙禮死赴京安置

六月

命洪承疇至滇南議進緬機宜招撫流民並設總督

巡撫布政按察等衙門偽將王會楊威等率屬

歸附景東蒙化麗江姚安北勝蘭州姚州鎮南

順州雲南縣鶴慶定遠廣通楚雄永平劍川黑

鹽井南甸平崖隴川猛緬潞江鎮沅霑益元謀

十并四川烏撒東川烏蒙鎮雄等土司悉後先歸

附設高峽劉慶文謝林蔭贊五人亦之文若

九月元江土酋那嵩偽總兵許名臣暗通李定國

叛鐸尼吳三桂討平之并獲沐天波之子忠顯

十月偽將李如碧高啓隆馬惟興馬寶吳子聖廖

魚郝承裔楊武楊國明等悉降

十七年庚子正月

命吳三桂為總管移鎮雲南三桂疏乞沐氏勲莊下

二月西番大寶法王因構爭被逐移居麗江中甸

三遣喇嘛由雲南通路求入貢

三月吳三桂請准土司世襲以蒙化左星海景東
 陶斗永寧阿鎮麟麗江木懿鎮沅刁允中仍土
 知府蒙化景東永寧設流官同知掌印南甸刁
 十呈祥隴川多紹寧干崖刁建勳盞達刁思韜仍
 襲宣撫耿馬罕悶揉仍襲安撫鎮康刁悶達灣
 甸景文智威遠刁漢臣仍襲土知府猛緬奉國
 珍為長官司悉給印劄世襲
 四月吳三桂請設忠勇五鎮總兵以投誠馬寶李
 如碧高起隆劉之復塔新策五人充之又設義

勇五鎮總兵以投誠王會劉佃馬惟興吳子聖
 楊威五人充之

五月置沅江府流官並設元江副將

十月吳三桂請設援剿四鎮總兵以四川左路總
 兵馬寧右路總兵沈應時湖廣益陽總兵王輔
 臣投誠楊武充之又以經畧左標提督張勇充
 臨元鎮湖廣左路都督張國柱充永順鎮中路
 總兵閩鎮充大鶴麗永鎮火器總兵王永祚充
 蒙景楚姚鎮投誠狄三品充廣羅鎮祁陽總兵

陳德充曲尋武霑鎮悉帶原兵晉鎮并設騰越
北勝副將順雲叅將奉化遊擊龍川江遊擊尋
霑遊擊

詔許之

車里宣慰司刁木禱投誠給印世襲是月偽將祁

十三昇降

十八年辛丑正月李定國攻緬甸緬酋請救吳三

桂發永昌騰越等處防邊兵馬遥應之

三月

今上登極

四月張錡尹士鏢梅阿四等謀叛伏誅

五月定西將軍愛星阿公至滇大兵凱旋

援剿後鎮總兵楊武以罪免

詔祁三昇代之

八月

詔補雲南庚子科鄉試

編遺漏錢糧寧州土官祿昌賢養兵莊糧歸寧州

曲靖府安置土官恭默歸霑益州姚安府鐵索

營土軍田租歸洱海衛尋甸四十八哨蒼糧歸
尋甸州臨安府納樓司五畝地方歸建水州又
編衛所職田每畝三斗照軍糧起科并編衛所
軍舍丁差

十月以普洱地方半歸車里半屬元江並編普洱
思茅普騰茶山猛養猛煖猛捧猛膺整歇猛萬
上猛烏下猛烏整董等十三處隸元江府及編
枯木八寨牛羊新縣李日芳李大用等四處隸
蒙自縣

蒙古吐蕃于都台吉達賴喇嘛求通互市吳三桂
覆議開市於北勝州

十一月安南將軍卓羅鎮雲南愛星阿公吳三桂
領滿漢兵入緬追永曆師至木邦分兵追白文
選於茶山降之並降其黨萬人

康熙元年壬寅正月師次緬緬會殺永曆宗室吉
王松滋王瑞昌王及沐天波等數百人遂獻永
曆是月愛星阿等還滇

四月官兵厄兒特洒出等謀叛伏誅

愛星阿等議送永曆至京吳三桂奏以道遠不便
縊永曆及其子於昆明家屬送京

五月吳三桂報定元江府新編錢糧并加雲南鹽
課銀十萬九千六百三十三兩

以雲貴總督駐劄曲靖雲南提督駐鎮大理

安插投誠土官那崙於臨安墾荒

八月李定國死於景線其將馬思良胡順都王道

亨以李定國子嗣興及劉文秀子震來降衆悉

平愛星阿公等班師

九月議賞緬甸功吳三桂奏罷之並許南甸干崖

隴川猛卯遮放芒市等土司世襲

十一月加吳三桂親王

十二月裁鎮姚鎮安右甸三守禦所官

二年癸卯准姚安府土官高裔映世襲土同知

三年甲辰吳三桂請討水西土酋安坤安如鼎等

兵次水西坤等負固久不下三桂計擒如鼎並

四執皮熊熊不食死坤走烏蒙烏撒屢攻擒之斬

於市明年水西等處悉平請置郡縣

二月准廣南府富州土官承襲

四年乙巳春正月裁雲南忠勇義勇四營官兵及

順雲奉化二協尋以忠勇三營改鎮貴州

三月邇東土會寧州祿昌賢新興王耀祖嶠峨祿

益王揚祖王弄王朔蒙自李日森李世藩李世

屏八寨李成林糾合納樓普率教化張長壽枯

木龍元慶倘甸葉向陽葉正昌石屏龍韜龍飛

揚路南秦祖根陸涼資洪彌勒昂復祖維摩沈

應麟沈兆麟王承祖王義王先任王先倫等謀

叛衆至數萬攻臨安陷蒙自昭峨寧州易門圍

彌勒通海石屏宜良等州縣各郡震動總督下

三元巡撫袁懋功提督張國柱發兵討之吳三

桂自水西遣王輔臣援彌勒趙得勝援石屏賊

遁

四月吳三桂自烏蒙回師次第剿昭峨新興易門

等賊

七月下三元張國柱吳三桂分剿蒙自新興丘北

等處克之擒王耀祖祿昌賢王朔張長壽李成

林李世藩李日森沈應麟龍元慶儂得功悉誅之

詔撫其餘黨李世屏普率勢窮來降悉寬其死十一

四月迤東土酋悉平

八月吳三桂以藩下家口甚眾食鹽不足議每月

增煮黑井鹽十二萬五千斤加課二千兩

五年丙午二月

詔免迤東被賊州縣新荒錢糧

阿迷州土官李阿則遣其子李思敬援臨安有功

准世襲土知州

三月裁新化州歸新平縣

五月裁府判州同州判縣丞照磨知事檢校巡檢

司獄倉大使及偏僻驛丞等冗員一百四十五

員又裁操捕都司及中屯定雄鳳梧安寧宜良

通海鶴慶永平定遠易門守禦千總歸同城州

六縣管理並裁曲靖越州蒙化永昌楚雄洱海大

羅景東衛屬千總

七月以北勝州隸大理府

八月蒙古開六台吉烏斯藏達賴喇嘛犯麗江永寧北勝邊境

六年丁未二月以教化王弄等土司地置開化府設流官建儒學併忠勇中左三營為開化鎮

閏四月圈撥近省州縣衛所給吳三桂兵丁口糧并裁曲靖陸涼越州蒙化臨安洱海大羅楚雄

等衛守備經歷州縣總兵副將等官外
八月蒙古侵據麗江府屬中甸地西番二寶法王哈馬臨清格丁等挈家來奔

七年戊申四月改鶴麗永北鎮為永北協併義勇前左三營為鶴麗鎮以防蒙古改義勇右營為新營設叅將

八年己酉改尋甸府為州隸曲靖府裁順州歸化陽宗亦佐維摩三泊磔嘉七州縣歸併近府州

縣
九年庚戌以在省中左右前後廣南六衛歸都使

十二年癸丑十一月吳三桂反初三桂收畜亡命

雲南通志 卷之三 沿革大事考

久謀不軌適

命撤移家口逆黨胡國柱吳應期吳國貴夏國相郭

壯圖衛璞方光琛方學範等密畫於內馬寶力

贊於外張國柱高起隆王屏藩等應之殺巡撫

朱國治按察使李興元不屈械繫於獄雲南知

府高顯辰同知劉崑皆被杖安置復潛通貴州

提督李本深為接應雲貴總督甘文焜欲守黔

中扼賊咽喉而兵心離散數騎走鎮遠會鎮遠

副將江義附逆遮其歸路文焜父子及筆帖式

何善雅兒皆死之三桂遂使吳國貴為前鋒徑

寇辰沅至荆江使王屏藩由蜀寇漢中夏國相

寇江西又糾廣西孫延齡馬雄廣東尚之信福

建耿精忠同反數省騷動

上命滿漢大兵討之賊不敢渡江湖南四川兩廣次

第克復三桂屯兵湖南搜括糧餉滇民困憊引

領以望我師

十六年丁巳吳三桂求援於蒙古割麗江江內喇

普地賂之

十七年戊午吳三桂死於衡州

十八年己未吳三桂下海朝龍起兵鶴慶田進學

起兵永昌反正討賊不克朝龍敗由吐蕃走京

師進學死

十九年庚申大師取貴州先是鄭廷圖等因吳三

桂死擁其孫世璠進屯貴州以拒我師及定遠

平寇大將軍固山貝子章泰統征南將軍穆占

鑲藍旗叅贊都統喇賽正白旗噶喇昂邦薩克

查巴圖魯正藍旗都統釋加保正黃旗先鋒統

領陝納海鑲白旗副都統麟紀錄正黃旗副都

統陶代鑲紅旗副都統花色正藍旗副都統公

圖正白旗副都統宜思孝正藍旗副都統官保

鑲黃旗內閣學士兼禮部侍郎薩海署副都統

盧崇峻綏遠將軍湖廣總督蔡毓榮江西總督

董衛國建義將軍林興珠貴州提督趙賴山西

提督周中世等滿漢官兵由湖廣克辰龍關楓

木嶺取鎮遠清平破偽將軍韓天福於平越十

一月世璠遁回雲南

二十年辛酉正月我師克盤江吳世璠遣偽將軍
線緘屯兵江西坡扼險以待章泰大敗之賊分
兵據黃草壩征南大將軍賴塔統正藍旗叅贊
都統勒貝正紅旗叅贊都統希福鑲白旗叅贊
都統馬齊鑲紅旗叅贊都統趙連鑲藍旗護軍
統領額黑里鑲紅旗副都統洪實錄鑲白旗副
都統祖檀椿兩廣總督金光祖福州將軍馬九
玉滿漢兵由泗城州奪石門坎援安籠所繞出
賊後大破之

二月賴塔至曲靖秋毫無擾市肆不驚全城歸附
線緘始遣章泰遂會師於曲靖十九日師抵雲
南吳世璠遣郭壯圖悉精銳迎戰我師夾攻大
破於呼馬山下賊嬰城拒守我師圍之時人民
驚匿官職未設滿漢兵數十萬至滇糧糗無所
資各將軍總督以軍中懸釜待炊爲慮布政司
王繼文向巡撫伊闢等力請開誠遍諭安集流
移動餉召買以慰兵民遂借領粵餉買給兵糧
復善撫投誠招集逃亡其無家可歸之民安插

於古庭庵歸化寺左右萬姓踴躍歡呼晝夜輓
運更就軍壘所近之地置倉屯糧我兵賴無匱
乏會巡撫伊闡勞瘁成疾卒於軍督師大臣交
疏保題至六月

上命王繼文爲巡撫郎中田啓光爲布政

上命學士佛倫侍郎金鉉等馳至軍中總理糧儲

四月馬寶自遵義由尋甸奔楚雄都統希福雲南
提督桑格迎戰於呂合馬寶就擒時胡國柱王
緒王公良李匡等復合潰衆於迤西夏國相高

起隆廖進忠王永清等潛聚於廣南我師分討
之胡國柱王緒李匡自殺擒高起隆等俘馬寶
夏國相於京餘悉磔於市迤西廣南平

詔免雲南二十年分夏稅

八月宣威將軍紀哈里同副都統希福覺羅西布
勇畧將軍雲貴總督趙良棟由建昌渡金沙江
鎮安將軍都統噶爾漢護軍統領佟雅副都統
得爾德翁艾署副都統張長庚由永寧會師於

雲南

雲南通志 卷之三
十月初八日我師移營逼城大將軍賴塔進兵銀
錠山總督蔡毓榮奪重關及太平橋都統穆占
總督趙良棟巡撫王繼文奪玉皇閣遂至東西
寺固山貝子章泰策應賊悉力拒守巡撫王繼
文秘遣人自鶴慶北勝運紅衣炮至銀錠山晝
夜攻打賊大懼章泰等共體

皇上剿撫並用之命布書告示射入城中令其獻城
賊有離心

二十二日賊黨余從龍吳成鰲出降悉知城中虛

實總督趙良棟巡撫王繼文親冒矢石領兵攻
得勝橋總督蔡毓榮攻大東門將軍林興珠攻
草海大將軍賴塔攻銀錠山並分兵攻近華浦
四面逼城復遣余從龍入城招撫

二十八日城中賊亂線絨等擁兵入郭壯圖家先
殺壯圖心腹郭得勝壯圖及其子宗汾舉火自
刎世璠亦自殺線絨吳國柱吳世基何進忠黃
明等開城出降城下之日兵不血刃隨磔方光
琛方學範於市斬世璠壯圖首級並戮吳三桂

屍俱函送京師先是城中賊糧久匱餓殍載道遺骨盈衢至是巡撫王繼文捐俸掩埋並奏明賑濟饑民

三十日固山貝子章泰遣都統穆占馬齊入城大兵分守各門將吳世璠等逆產物籍數以

聞

二十一年壬戌以綏遠將軍蔡毓榮總督雲貴

命勇畧將軍趙良棟回京定遠平寇大將軍固山貝子章泰征南大將軍賴塔滿兵暨楚粵山陝各

路漢兵陸續凱旋

命馬齊為鎮安將軍同護軍統領佟雅副都統得爾

德副都統希福留鎮雲南並設曲尋臨元開化

楚姚鶴麗永順等六鎮總兵又設雲南元江廣

羅騰越劔川永北尋霑武定廣南洱海順雲新

昭十二協營

詳兵制

詔移吳逆親屬家口及偽將軍總兵副將等進京叅

遊以下俱發河南江西山東湖廣四省安置

巡撫王繼文奏吳逆未叛之先百姓隸其籍者甚

多請分別安插
詔釋放為民

巡撫王繼文奏雲南金汁等河積水灌田計數十萬頃自亂後堤壩傾頽田畝荒蕪全書額載歲

修銀兩不敷用議令捐修僉民歸墾輸賦
詔許之

五月巡撫王繼文議以起發吳逆家口後食鹽人少奏減黑井歲課二萬四千兩
詔許之

九月差禮部主事宋俄岱質
御書清慎勤三字賜總督巡撫

二十二年癸亥議設鼓鑄於雲南蒙自大理等處
巡撫王繼文議奏捐修學校振興文教正人心以

端風俗
詔許之

總督蔡毓榮議奏收滇中軍器并議魯魁山野賊
苗獠錯雜恃險嘯聚搶掠索附近鄉民保頭錢

剿即潛遁防禦稍懈即肆出為虐亟宜弭之

詔下部議部覆作何撫剿不致滋蔓聽總督酌行

三月總督蔡毓榮巡撫王繼文以大兵復滇土司

投誠者權授武銜不便撫馭題請宜照開滇

事例各與承襲

上特命兵部左侍郎庫勒納赴滇查議俱准世職

八月補雲南辛酉科鄉試外縣典文遊五人心以

二十三年甲子十月馬齊滿兵回京

三十四年乙丑三月總督蔡毓榮請設援剿左右

二協官兵並添撫標兵三百名提標二營鶴麗

鎮兵六百名以援剿左協駐尋甸州右協駐省

城

總督蔡毓榮議以吳逆原請沐氏勲莊田地變價

歸併附近州縣照民糧起科

二十五年丙寅三月巡撫王繼文奏給雲南會試

舉人盤費

詔准照貴州事例

十二月總督范承勳議請以援剿右協官兵移駐

羅平州

巡撫王繼文奏請雲南孤貧口糧歲發常平倉捐
穀賑恤

詔許之

五月禮部頒

御書萬世師表墨刻到滇分賜各府州縣造扁懸置

學宮

二十六年丁卯二月總督范承勳議裁雲南都使
司各衛所歸併附近州縣并省守備千總經歷
等官及平彝儒學歸併曲靖府

十二月總督范承勳遣左營遊擊莊一虎臨安府

知府黃明招撫魯魁山野賊楊宗周等就撫議

授楊宗周土縣丞曾為善方從化李尚義土巡

檢世襲

詔許之

二十七年戊辰五月劍川州地大震壞田廬損人

畜巡撫石琳奏以常平倉捐穀發賑

詔許之

七月總督范承勳以逆屬人口起發將盡尚有搜

查未及者奏請許其投首將精壯者補入營伍願歸農者編入里甲

詔許之

十六日援勦左協兵丁任二等因楚省兵亂副將廖貴一

陛見起行遂挾黨噪叛欲肆劫掠奔合楚兵右營遊擊宣起鳳力戰不支總督范承勳遣遊擊陳勳麥良璽及尚靖鎮中軍遊擊張國勳等相機剿撫二十一日賊欲出其不意攻霑益州范承勳

預檄千總孫廷標與宣起鳳內外夾攻賊黨潰散擒其首惡誅之餘令歸伍亂乃定

二十日省城兵丁因尋甸兵譁訛言四起遠近居民紛紛逃匿亦乘機糾黨約於二十一日五鼓鳴炮作亂總督范承勳調其謀以方畧授按察使許弘勳密諭司更者竟夜擊二鼓亂未即發隨遣能員分擒首惡未曙陸續就縛斬倡首張麻子等十三人餘皆不問兵民以安

達賴喇嘛求互市於金沙江總督范承勳以金沙

滇江係內地 奏請於中甸互市

詔許之

十月總督范承勳因雲南錢法壅賤兵餉以銀七

錢三搭放未便請以全銀支給

詔許之

二十八年己巳五月巡撫石琳於改正賦役全書

一議屯糧賦重十倍民糧鹽課四倍舊課并南安

易門有課無廠臨安參將舊例浮派元江開化

賦重麗江有額無徵數事奏請

九月總督范承勳奏請二十一年至二十七年通

欠屯糧分年帶徵

上念滇民困苦悉行蠲免

二十九年庚午二月巡撫王繼文因錢價壅賤驛

堡以全錢動放未便請以銀七錢三支給

詔許之

十月巡撫王繼文奏請衛所荒田照民糧上中起

科聽民開墾

雲南府縣學原合建於五華山右流寇入滇據為

營署遷設長春觀其地卑陋及大兵復滇暫請以吳逆廢宅為縣學皆不可以妥

至聖十月總督范承勳會同巡撫王繼文奏請改

建舊址首先捐俸布政于三賢按察許弘勳糧

儲道張仲信署驛鹽道永昌道畢忠吉學道吳

自肅及各府州縣皆一體捐修

十一月臨安府新平縣土巡檢李尚義誘集土彝

數千索保焚掠大肆倡獮總督范承勳檄臨元

鎮總兵王洪仁援剿遊擊劉師周合兵討之四

面攻圍搗其巢穴三十年正月李尚義被擒自

殺餘黨招撫悉平

三十年辛未三月巡撫王繼文奏請雲南衛所田

地先時歸併州縣內有遠近相違官民未便者

悉行改正

<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------

